

# Олнд тархагдх зөвтә дамшлт

СССР-н Деед Советд сунъ-гъвр келгънд цуг орн-нутгар альд болв чигн, белдвр делгрүлдж йовх цагт, цәәлгъврин политическ кәдлмш, шинәс деешән улм бәдлдж ясрхнъ мел лавта. Цәәлгъврин политическ кәдлмшин бәдлт бдгә цагт йир ик кергтә.

Эн иим цәәлгъврин политическ кәдлмшиг сәәнәр, тегшәр делгрүлхин эркд, цуг эваргъинь олзлдж, түүг олн-әмтнд ачта-туста болгъдж кучн-чидлд хуврүллгънд райодсин болн эрсин барин чинрнъ кемджалдж болшго ик.

Танъгъчд, райодсин 7 газет, эрсин кесг зун газетс гаргъгна. Одгә цагт эрсин газет уга предприятъ, колхоз, совхоз, МТС гидж йир ховр. Эрсин газетс деернъ немгддж, ик бачмар, адгъмта кевәр гаргъгддг тәләдән, цәкклгън гидж нерәдгддг газетс, кесг олн „боевой листокс“ гаргъгна. Дакад болхла зургинъ зурад, хурц, хорта, шувтр угәр бичгдәд гаргъгддг: „Крокотил“, „Зара“, „Бәбрәрнъ бииләр“, гигъад нань чигн тиим олн зүсн нертә шоглгъна газетс гаргъгна.

Иим газетс олн-әмтсин бийсиннъ седвәрәр, эднә кучн чидләр кегдлхәнә. Эн олнә кәдлмш. Олн-әмтнд сургъмдж бгллгънд—эднә чинр йир ик. Цәәлгъврин политическ кәдлмш делгрүллгънд—им газетс сән дөнъ-нәкд болхмн.

Эрсин газетсиг, шоглгъна газетсиг цаг-цаглань, тасрхан угагъар гаргъхла, эдн, партийн организацсд ик ачта-туста болхнъ мел ил. Зуг эн кәдлмшт, оньг, гардвр кергтә.

Олнә чидләр кегддг эрсин газетс, кәдлмшт ямаран ачта-тустагъинь, кәдлмш ясруллгънд ямаран кевәр дөнъ-нәкд болхинь Западн района гур мефүлджәнә.

Эн иим кәдлмшин тускар, эрсин барин кәдлмш делгрүллгъяр эн районд олнд кергтә сән дамшлт бәәнә.

Ода деерән Западн районд, района нег газет, эрсин 55 газет, шоглгъна 10 газет, 200 гар „боевой листокс“ болн „цәкклгън“ гидг нерәдлгътә газетс, дакад болхла района нег бюллетень, совхозмуд болн МТС-с хоорндан социалистическ дбрлдә делгрүллгънә 4 бюллетень—им олн зүсн нертә газетс гаргъгдцхана.

Эрсин газетсин редколлегсин члед болдж 250 кун бәәнә, газет гаргългънд нәкд бол-

цхадг, газетд бичцхәдг рабселькормудин тонь 1000 кун. Районд 28 кундллгънә доск, кәдлмшин ашнъ, үзмджнъ үзүлгддг 50 үзмджин доск, 9 кундллгънә доск—нань чигн тедү мет үзмджин агитац делгрүллгънд эркн кергтә дөнъ-нәкд болгч йовдлмуд бәәнә.

112-ч номертә совхозд, 1952 джилин март сарин 21-с авн әкләд „Совхозин очн“ гидг нертә, бдр болгън гаргъгддг газет, ода чигн тасрхан уга гаргъгда бәәнә. Эн газетиг бдр болгън гаргъгхин эркд, совхозин партбюро, селгәгъяр кәдлцхәлг 6 редколлегий бүрдәддж, редколлегий болгънднъ зургъагъад кун бәәцхәнә. Тедниг толгъалдж, гарлдж кәдлүлцхәдгнъ даалгъврта редактор, дакн сегләтр. Эн хойр редколлегин хамг кәдлмшинъ бүрдәддж кучәцхәнә. Гаргъсн газет болгъан эдн тоогъинь арвагъад күргдж бичәд, совхозин фермс болгънд күргдж тархацхана. „Совхозин очн“ гидг газетд 200 шаху тоота улс бичцхәнә. Газет, батта тоота эврә корреспондентск активтә.

Пролетарская победа нертә колхозд „Ленинец“ гидг газет гаргъгна. Эн колхозд эрсин болв чигн, шоглгъна чигн газетс тасрхан угагъар гаргъгдцхана.

Школмудар, учебн заведеньсәр эрсин газетс бас цаг-цагларн, даранднъ гаргъгдцхана.

Западн района эрсин барин дамшлт, олнд кергтә, тедн дунд тархадж болх сән дамшлт.

Эн района эрсин газетс му бишәр кәдлджәцхәнә. Иим үлгүрмүд танъгъчин наадк районмудар чигн бәәнә.

Болв зуг, кәдлмш тәгәлнъ-гдән текш сән гидж келдж болшго.

Бәәри газрин партийн организацс, эрсин бариг зәрмдән нам эс болх юмнд тоолад, үнинь буурулад, кергтә юмнд тоолхш! Эн ик хаджгър, буру тоолвр.

Эрсин барин чинр йир ик. Одгә цагт, СССР-н Деед Советд сунъгъвр кегддж йовх саамд, цәәлгъврин политическ кәдлмшиг икәр бәдлүлх саамд, эрсин бар ик гидг ачтусан күргхмн болджана. Түүг мартх зөв угавдн.

Западн района эрсин барин сән дамшлтиг—олнд тархамн.